


Hæc carmina scripta sunt, à Doctissimo ac prudentissimo
viro Dñ. SCHETO Barone in Wesemale; quasi in mo-
dum prophetiæ anno ante rumores Belgicos.

IN LUDOVICI GVICCIARDINI
BELGICÆ DESCRIPTIONEM
GASPARIS SCHETI.

OGNITA vix ullis Romana gloria gentis
Jam foret, & tenebris obruta penè suis:
Scriptorum nisi turba sacris facta inclyta libris
Mandasset, nullo contemeranda die.
Tantum est, tam fecunda viris ea secula magnis
Facundos vates tunc habuisse suos:
Scilicet ut multum vel debet Roma Maroni,
Vel sua viuaci Gracia Meonida;
Sic benè iam meritò debes Antuerpia alumno
Sic GVICIARDINO Belgica tota suo.
Belgica quæ totum magno splendore per orbem
Cæpit conspicuum ad sidera ferre caput.
Hactenus ad summum, sic tendere visa laboret
Ipsa sibi ut nimia prosperitate grauis:
Supplicibus pariter cui GVICIARDINE precemur
Votis in patriam, & qua pietate decet;
Ut qualis depicta modo populisque videnda
Prebetur scriptis nobilitata tuis,
Talis longa queat durare in secula, nec se
Crescendo dum vult vincere fortè cadat:
Prosperitas, luxus, quæ que inde licentia magnis
Exitij Regnis causa fuere sui.
Dij melius. Videant hac te sine labe nepotes:
Magna es, & ut maneat Belgica magna precor.

ALEXAN-